

Date – 25/03/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Minister te hna chanpual siksawi a ni a, thlathar April ni 1 atanga hman tan tur a ni.**
- 2. Thingphuntu te puala buatsaih Tree Growers' Mela chu nimin khan Aijal Club Park a buatsaih a ni.**
- 3. President Droupadi Murmu chaun ramchhunga tribal te chua sawrkar laipuiin an intodelhna tura scheme a siamte a tam thei ang ber hmang tangkai turin a chah.**
- 4. Sawrkar laipui chuan Parliament Member leh member hluite hlawh leh pension a ti pung.**



POERFOLIOS RESHUFFLE

Minister te hna chanpual siksawi a ni a, thlathar April ni 1 atanga hman tan tur a ni.

Sorkar hriattirnaa tarlan danin, Home Minister Pu K. Sapdanga department chan pakhat Disaster Management & Rehabilitation Department chu Minister of State Prof. Lalnilawma hnenah pek a ni a, Pu K. Sapdanga hian Home Deptt., Urban Development & Poverty Alleviation Deptt. leh Department of Personnel & Administrative Reforms te a la enkawl chhonzawm dawn a, Prof. Lalnilawma chuan a department enkawl sa pahnih, Rural Development and Administration Deptt. leh Public Health Engineering Deptt. bakah Disaster Management & Rehabilitation Dept te a enkawl tawh dawn a ni.

Prof. Lalnilawma department chan pakhat, Horticulture Deptt chu Minister Pu C. Lalsawivunga hnenah pek a ni thung a, Pu C. Lalsawivunga hian a department enkawl sa dang pathum, District Council and Minority Affairs Deptt., Art & Culture Deptt. leh Animal Husbandry & Veterinary Deptt. te chu a la enkawl chhonzawm dawn a, hetihlai hian Local Administration Department erawh a enkawl tawh dawn lo a ni.

Minister Dr. Vanlalhlana chu a departmentnt enkawl sa 4-School Education Deptt., Higher & Technical Education Deptt., Information, Public Relations, leh Information & Communication Technology Deptt. te bakah Minister of State Pu F.Rodinglana department chan, Printing & Stationery Deptt pek belh a ni a, Minister of state Pu F. Rodinglana chuan Power & Electricity Deptt Commerce & Industries Dept te a la enkawl chhonzawm dawn a ni.

Minister Pi Lalrinpuii department chan pakhat, Tourism Department chu Minister of state Pu Lalngthinglova Hmar pek a ni a, Pi Lalrinpuii hian Health and Family Welfare Dept leh Social Welfare, Women & Child Development Dept te a la enkawl chhonzawm dawn a, Minister of State Pu Lalngthinglova Hmar chuan a department chan sa, Labour, Employment, Skill Development & Entrepreneurship Deptt., Sports & Youth Services Deptt. leh Excise & Narcotics Deptt. bakah Tourism Deptt. te a enkawl tawh dawn thung a ni.



GOVERNOR

Larsap General (Retd) Vijay Kumar Singh-an kar kalta khan ni 2-awh Indo Pacific Peace Forum 2025 (IPPF 1.0) chu New Delhi-a India International Center ah hawngin a hmanpui a,

He hunah hian thusawiin Larsap chuan remna leh muanna, ram hmasawna leh venhimmate an inkungkaih dan leh Indo-Pacific region hmasawn nana an pawimawh dante a tarlang a. PM Narendra Modi hmalakna Security and Growth for All in the Region (SAGAR) chu Indo Pacific region-a awmte tana hmanraw pawimawh tak leh tuipui leh a chhehvel venhim kawnga ruahmanna tha tak, vaukhanna hrang hrang- technology, cyber security leh adangte laka him nana pawimawh a nih thu sawiin, Indo-Pacific region ngelnghehna leh thanlen zel nana pawimawh a nih thu a sawi bawk.

Indo-Pacific Peace Forum-ah hian ram hrang hrang palai te , Indian Administrative Service officer te, Defence lammi leh leh scholar-te telin, topic hrang hrang – Gthupui hrang hrang hmanga inkawmhona neih a ni..

Indo Pacific Peace Forum Chairman Dr. Markandey Rai chuan conference kharna hun a hmang a, 'New Delhi Declaration' a chhawpchuak a ni.



CM

Environment, Forest & Climate Change buatsaihin Eco Fest Cultural Programme Aijal Club ah nimin khan hman a ni a. Chief Minister Pu Lalduhoma, Environment Forest & Climate Change Minister Pu Lalthansanga leh Adviser to CM Pu Lalmuanpuia Punte te an tel a ni.

Chief Minister chuan thusawiin, ramin hma a sawn zelna turah mipui sukthlek inthlakthleng chu thil pawimawh hmasa a ni a, chung zinga a pawimawh ber pawl chu ramngaw, lui leh nungchate chung a rilru put hmang a ni, a ti a. Ram ngaw thiat a, ramsa leh nungchate chung a hmanlai ngaihndan thlak a nih lih chuan Mizoram chu reiloteah a sawp chhe vek ang atih a h;lauhawm a ni a ti.

Chief Minister chuan ram mawi tak, lui leh tlang mawi tak te, boruak thianghlim leh a chhunga nungcha tinrengte chu khualzin hipluh theihna remchang, sum tam tak hailuh theihna hnar a ni a, tha taka enkawl chuan Eco Tourism hlawk taka kalpui nan a hman theih a ni a ti.

Chief Minister hian wildlife lama hnathawktu tha chawimawina an pek te leh Thorang Sanctuary relocation atana compensation 2nd instalment chu a dawngtu tur chhungkaw parukte hnenah a hlan a ni.

Eco Fest pual hian programme chi hrang hrang neih a ni a. Vawiin lamah pawh chhunzawm leh tur a ni ang.



NGOCC

NGO Co-Ordination Committee, (NGO CC)-in Assam Rifles ten an chhuahsan ramte chu Mimal, Political Party, Kohhran leh Pawl hrang hrang te chu mahni hmun hma atana hma la lo turin a ngen.

Mizorama tlawmngai pawl hrang hrang- Central YMA, MUP, MHIP, MZP, MSU intelkhawm, NGO CC nimina Aizawla thukhawm chuan Aizawl khawpui laili a Assam Rifles te chhuahsan hmun ruak chu venhim a, humhalh vat a tul a ni an ti a, Mizoram sorkar chu a venghimtu tur, security ruahman vat turin leh mipuite tana a tangkai thei ang bera hman a nih theih nana theihtawp chhuah a hma la turin an ngen.

NGO CC thuchhuah chuan Mimal, Political Party, Kohhran leh Pawl hrang hrang te chu mahni hmun hma atana hma la lo turin a ngen a. NGOCC chuan Assam Rifles ram luah chhunga mimal LSC nei engemawzatin, mipui hmakhua ngaia an LSC an hlan let chu ropui an tih thu sawiin, ram leh hnam tana an inpekna an ngaihlu tak zet a, hetihual hian LSC nei dangte pawh ram leh hnam tana hlan ve turin an ngen nghal tih an sawi a ni.



TREE GROWERS MELA

Thingphuntu te puala buatsaih Tree Growers' Mela chu nimin khan Aijal Club Park a buatsaih a ni a, Horticulture Minister Prof. Lalnilawman a hawng.

He Mela hi ICFRE -Bamboo & Rattan Centre (BRC), Aizawl buatsaih a ni a. Mizorama buatsaih tum 1-na a ni/

Tree Growers' Mela neih chung hian mipui en tur leh lei theihin thing leh mau tiak te, pangpar leh adangte phochhuah a ni a. Exhibition ah hian Florists, Orchid leh Bonsai chingtute an tel a ni. Mithiam te hnen atangin Composting chungchangte, Pa khawi chungchang te, Agroforestry leh Forest Genetic Resources & Tree Domestication chungchang zirtirna pek a ni.

Horticulture Minister chuan thing leh mau pawimawhna hrang hrang sawiin, mihring khawsak phung a lo nawm phah na tur satliah mai nilovin, dam khawchhuahna atan thing phun leh humhalh chu a tul takzet thu a sawi a. Tunhnaia Mizoramah leh a bik takin Aizawla tuihna kang chat leh tui

thianghlim indiahlohna pawh hian thing leh mai humhalh lama mahni theihna zawn theuh a hma lak a tulzia a lantir a ni a ti.

Minister chuan thing phun uar ah ringawt duhtawk lova, a puitlin ngei theihna tura enkawl zui a tul thu te, mahni tan chauh nilovin kan tu leh fate tana chenna tlak khawvel kan siam theihna hmanrua a nih thu te a sawi a. Thing leh mau te hi boruak nuam leh thianghlim siamtu atan chauh nilo, mi tam tak tana eizawna hnar pakhat a nih thu sawi telin, ram economy hmasawna hnar tha tak a nih theih thu a sawi bawk.

ICFRE-RFRI, Jorhat Director Dr. Nitin Kulkarni chuan internet kaltlangin thu rawn sawi bawkin, state dang nen tehkhin chuan Mizoram leh India hmarchhak state dangte chu ramngaw tha tak an la neih avanga an vanneih thu a sawi a. Chutihrual chuan mau leh ramngaw humhalh leh phun belh pawimawhna inzirtirna hi thlah chi hauh a nih loh thu sawiin, thangtharte hnena he inzirtirna hi kan chhonzawm zel loh chuan an lo puitlin hunah humhalh chhonzawm nachang an lo hrelo palh ang a, kan ngaw tha tak te hi a la chereu palh thei a ni, tiin Tree Growers Mela chuan rah tha a chhuah ngei a beisei thu a sawi.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PRESIDENT

President Droupadi Murmu chaun ramchhunga tribal te chua sawrkar laipuiin an intodelhna tura scheme a siamte a tam thei ang ber hmang tangkai turin a chah. Bharatiya Biswabasu Shabara Samaj dincham lawmna Odisha-a Kaliapalli-a neihah he thu hi sawiin Pi Murmu-i chuan sawrkarin tribal khuahte hmasawna ruhrel tha zawk siam turte, zirna tha nei turte, thiamthil hmasawna turte leh mobile network ti changlung turte in hma hrang hrang a lak thu a sawi a. Ram changkanga India siamna tur Viksit Bharat 2047 ti hlawhtling turin tribal zinga a hnufual lehzual Particularly Vulnerable Tribal Groups (PVTGs) a sawm a. Sawrkar laipuiin hmasawna tur scheme a siamte nasa zawka zirchiang a hmang tangkai turin a sawm bawk a ni.

<><><>

MP SALARY

Sawrkar laipui chuan Parliament Member leh member hluite hlawh leh pension a ti pung. MP te hlawh chu cheng nuai 1 atangin cheng nuai 1 sing hnih leh sang li ah a ti pung a. Daily Allowance pawh cheng sang 2 atangin cheng 2500 ah tihpun a ni bawk a. Member hluite tan pension pawh ennawn niin

thlatin cheng 25000 ni thin chu cheng 31000 ah tihsan a ni a. Heng hlawh pung hi April ni 1 2023 atanga chhiar tan a ni ang.

<><><>

RAJYA SABHA

Rajya Sabha chairman Jagdeep Dhankhar chuan Delhi High Court judge Justice Yashwant Varma chenna ina sum tam tak man a ni chu a ngai thutak hle a ti. Tunhnaia Justice Varma in kanga pawisa tam tak hmuhchhuah anih thu sawiin hetiang thil tha lo hi thleng tawh lo se a tih thu a sawi/ Parliament House-ah Rajya Sabha House Leader JP Nadda leh Opposition Leader Mallikarjun Kharge te nen an inhmukkhawm tumin he thu hi Pu Dhankar-a chuan a sawilang a ni.

Hetihlai hian Delhi High Court chuan Justice Yashwant Varma court rorelna a lo kalpui tawh zawng zawng chu a hnukdaw a. Justice Varma erawh chuan an puhna chu a pha thung a ni.

<><><>